

清代
禁燬書叢刊
第一輯

九朝談纂
(上)

明·不著撰人

偉文圖書公司印行

明・不著撰人

九朝談纂
(上)

偉文圖書出版社有限公司印行

九朝談纂

太祖



太祖高皇帝踐祚休徵已見國史說諸余又得聞之昔元
至正君衰劉福通徐真奇以妖術聚衆紅巾爲號天
下大亂有司莫敢誰何我

太祖尚潛草野禱諸石固神曰元德既衰九土糜沸生民之
塗炭極矣吾欲倡義以拯衆與之否乎訣云英雄豪傑
自天生也須步步循規矩於是歸鄉里收殘數百屯於
滁陽忽有義兵來歸者三千率練之明年起兵自和

州渡江取太平路遇一術士

上問曰天下擾擾紛紛屬之誰與士曰願書字覘之

上即制刀畫一字於地士俯伏拜曰土上一畫臣獨知爲王

上六月斬紅巾諸盜又明年春圍集慶路與元兵大戰三月而元兵死去夏五月堅守汜左見驛中有七歲兒居其中

上問之對曰臣父當此役今臣代父耳

上曰善對乎曰然

上曰七歲兒童當馬驛兒即對曰萬年天子坐龍床

上大喜獨其役大奮天縱之勇後三年集兵十萬天三年

集兵精弱七十餘萬一戰而取荆襄再戰而取吳粵三戰而闔越海悉從四戰而帝卷全齊所過都邑勢如破竹不數十年奄有天下唯偽漢陳友諒未降

上率三萬騎大戰于鄱陽湖敵人咸見空中數萬甲兵衣絳衣以輔戰幟上書蕭王二字大敗其師疑即漢鄭侯也神譚鬼慄玄菟青海崑崙大漠交趾鏤耳之國罔不獻琛是歲戊申建元洪武即

皇帝位

劉伯溫名基處州青田人少穎慧絕倫讀書過目輒領其要

初過都市書肆見天文書一帙假閱之翌日談誦若流其人
大異欲授基基謝却曰已得之矣元末奉進士第除高安
丞尋起沅澗副提舉嘗與魯淵等遊西湖有異雲起西
北光耀湖中淵等以爲慶雲欲賦詩記之基獨縱飲不顧徐
言曰此天子氣也應金陵十年後有王者起未幾四方兵起我
太祖旣取婺州定括蒼聞基禮幣徵之基與龍泉張溢麗水
葉琛三人由間道詣金陵陳時務十八策

上覽之訪以國事基禍福曉諭盡合機宜

上大悅任以心膂

上將討陳友諒於九江以問基基曰今天象金星在前火星在後此天命也

上會師皖城自郊至酉不拔基請進取江州

上悉軍西上友諒率衆走湖廣江州降及還道經建德會張士誠兵寇其城守將李文忠欲奮擊之基曰不踰三日賊當自走至期如基言一日基見日中有黑子言於

上曰東南當失一大將已而叅軍胡珍攻福建敗之沒於陣他日上謂基曰吾夜夢有三人共弁一血帽何與基曰三人首弁血帽衆字象也是謂得數之兆越數日海寧果以城降

上每至所基屏去左右密語移時乃返拜基爲太史令後授爲弘文館學士封誠意伯賜歸鄉里居一月而卒

洪武間有人隨母改嫁者以繼父疾割股愈之有司以孝聞

上曰繼父尔之繼言家也割父母遺体以愈繼言家是不孝也乃置之法
屠斷若此臣下固不識也

洪武年間吳郡守姚善聞治有處士王賓因不可致嘗詣其門賓見其乘從諠擁語之曰賓有老母在無宜張声势以恐之後善詣賓門必先下輿徒步至門劇談今古商確政事善亦可有古人之風矣

以上俱西樵野記

高皇嘗集畫工傳御容多不稱意有筆意逼真者自以爲必見賞及進覽亦然一工探知

上意稍於形似之外加穆穆之容以進

上覽之甚喜乃命傳數本以賜各王府蓋

上之意有在它工不能知之又聞蘇州天王堂一土地神像洪武中國工所塑永樂初有闔百戶者除至蘇州衛見之拜且
近人問故云在

高皇左右日久稔識天顏此像蓋逼其真也

蓬軒類記

洪武癸酉崇仁縣儒學訓導吉水羅公恢上疏言孔子廟廷

後祀者當以道學論當時有若優於寧子論語記有若言行者四皆裨於世教寧子者亦四皆見責於聖人宜以有若居十哲次而寧子居兩廡公伯寮沮壞聖門不宜後祀遽伯玉孔子之故人行年六十而化今居兩廡六十位次之下未當宜例陞啓聖王屈疏

奏不報時皆服其論之當云

洪武中夷陵州學正延平張先生習試禮部左侍郎先生首言宜以書籍頒布北方李校議者以費財不便先生正色曰使賢才彙征利益生民何惜此費數大慙卒從其論

國初從龍諸臣在廬州則有精忠大節者四人謂楚國公廖永安貌國公俞通海蔡國公張德勝永義侯桑世傑楚貌二公巢縣人蔡國合肥人永義無為州人

國初丙申三月克金陵七月置江南行中書省以陶安爲左司員外郎陞郎中日贊機務旣而得劉基朱濂章溢葉琛四人上問安四人者何爲安對曰臣謀畧不及劉基孝問不及朱濂治民之才不及章溢葉琛

上多其善讓

元危素再入翰林僅一日而天兵入燕素曰國家遇我至矣

國亡吾敢不死趙所居報恩寺俯身入井將就沉溺寺僧大
梓與番陽徐彥礼力挽起之且謂曰公毋死公不祿食四年
矣非居任者比且國史非公莫知公死是死國之史也已而
兵入府藏里及史冊公言於鎮撫吳勉輩而出之由是累朝
實錄無遺缺者素之力也

太祖召至南京授以翰林侍讀李士兼弘館李士時洪武二年
也尋謫居和州閱再歲而卒吁忠義者人臣之大閑也吾盡
吾之節而已遑恤其他史書者天下之公論也一人不記天
下必有記之者耳何必以此藉口而爲偷生之計乎

天星夜落水犀軍又見吳宮走鹿群睥睨金湯徒自固倉皇
玉石竟俱焚 軍只合田橫死國士應無豫讓聞風兩明年
寒石節麥孟誰上太妃墳此天台王叔潤姑蘇感事之作也
國初天兵破姑蘇張士誠就擒其妻劉氏率姬妾登齊雲樓令
家僕辰寶自焚而死黨與無一人死難者故詩哀之叔潤名
澤洪武間爲松江華亭丞

洪武元年八月

上謂宣國公李善良曰治天下須用匠手 有規矩繩墨然後
百度可真也乃議建三省立六部拜諫議大夫設登聞鼓院

罷通租不征下 詔責躬求天下巖穴之士深藏不售者顧
元臣秦裕伯曰斗米三錢外戶不閉朕力行三年可以臻至
此理於是命李士瞻同等十八人分行十道訪求賢才而進
用焉

國初東甌湯襄武王和起徒步至封公沉毅質直勇而喜斷
不妄言入聞國論一語不泄于左右行師受任有 詔即行
不少顧家臨敵果敢堅刃未嘗挫衄有語及兵書者輒笑曰
臨陣決機在智識敏達耳何以泥古為家畜妾媵百餘暮年
散遣之得賞賜多惠其鄉黨父老及孤貧者無告責任公宰

及歸田里見故交遺民意驩如也厥後群公多先物故惟公
膺寵祿至洪武二十八年八月七日薨獨享壽考以令名終
斯固保身之有道也

洪武丙申大封功臣

上謂諸將曰李善長湏無汙馬之勞然事朕年久給足軍食其
功甚大乃封韓國公誥文有曰昔者蕭何有餽餉之功千載
之下人皆稱焉比之於爾蕭何未必過也

洪武三十一年夏五月

高皇帝疾大漸二十四日庚午 羣出御右順門

召大醫院諸臣詰其疾無狀 勅付獄正其罪指御醫戴元礼
謂侍臣曰戴元礼仁義人也無與汝事勿恐元礼頓首而退
帝即還內後十六日遂崩

洪武二年

上以孔子釋奠止令行於曲阜林廟京師天下不必通祀刑部
尚書錢唐上疏力諫略曰孔子百王宗師先儒謂仲尼必萬
世爲立祀孔子爲天下祝聖壽報本之礼不可廢也吏部侍
郎程徐亦上疏曰曠古以來帝王之治天下教養而已民無
社稷三皇則無以生非孔子之道則無以立斯二者在國家

在萬世不可一日或廢者也故有國者祀之備天下無非維
爲持人心世道之計而示人以崇本始報功施之典耳三伐
而上若堯舜禹湯文武周公皆聖人也然而發揮三綱五常
之道載之於經以之儀範百王師表萬世使世愈降而人極
不墜者孔子之力也孔子以道設教其心未嘗一日忘天下
天下祀之非祀其人祀其教也祀其道也天下不可一日無
孔子之教則祀不可一日廢天下不可一日無孔子之教則
祀不可一日廢今使天下之人必讀其書由其道行其道而
不得通祀焉非所以崇本始報功也